

From: Unit Komunikasi Korporat
Sent: Saturday, March 16, 2019 3:58 PM
To: UUM - All Staff; UUM - All Students
Subject: Pengamal Undang-Undang Harus Beradaptasi Dengan Teknologi Untuk Kekal Relevan



Unit Komunikasi Korporat
CORPORATE COMMUNICATION UNIT
Universiti Utara Malaysia

16 MAC 2019 / 09 REJAB 1440H
=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Mohd Amir Aizat Sainon
Gambar oleh: Abdul Halim Husain

PENGAMAL UNDANG-UNDANG HARUS BERADAPTASI DENGAN TEKNOLOGI UNTUK KEKAL RELEVAN



UUM ONLINE: Pengamal undang-undang harus menerima dan beradaptasi dengan teknologi agar terus relevan dengan keperluan masyarakat.

Ketua Hakim Negara, Yang Amat Arif Tan Sri Datuk Seri Panglima Richard Malanjum berkata, keperluan masyarakat berubah dari semasa ke semasa, namun profesion undang-undang masih ketinggalan jauh di belakang.

"Keperluan masyarakat pada hari ini sudah berubah selaras dengan peredaran zaman yang

mana pada masa kini banyak dipengaruhi teknologi. Sekiranya anda (pengamal undang-undang) hanya meneruskan apa yang diamalkan sejak 20-30 tahun lalu, teknologi akan ambil alih pekerjaan anda.

"Jika tidak peka dengan peredaran zaman dan tidak berubah, dikhuatiri tiada lagi pasaran untuk graduan undang-undang pada masa hadapan," ujarinya pada Syarahan Profesor Adjung - "The Future of the Legal Profession in the 21st Century," anjuran Pusat Pengajian Undang-Undang (SoL) Universiti Utara Malaysia (UUM) di Dewan Seminar A, Pusat Konvensyen.

Menurut Tan Sri Richard, teknologi memacu kebanyakan industri pada hari ini.

"Profesion perakaunan dan kejuruteraan misalnya sudah bergerak bersama-sama teknologi. Justeru adalah penting bagi pengamal undang-undang membiasakan diri dengan teknologi kerana teknologi juga sudah mula menyerap masuk ke dalam profesion ini.

"Pada masa hadapan, kita mungkin akan menyaksikan penggunaan mahkamah *virtual* dan *artificial intelligence* dalam proses kehakiman. Dokumen bercetak dan fail juga tidak akan digunakan dan beralih kepada bentuk digital," ujarinya.

Tambah beliau, kaji selidik yang dijalankan oleh Larry Richard (Pengasas dan Perunding Utama LawyerBrain, sebuah firma perundingan pengurusan) pada 2016, mendedahkan kualiti yang perlu ada pada peguam di masa hadapan antaranya ialah Kemahiran Teknologi, Kemahiran Kepimpinan, Kemahiran Keusahawanan dan Kepintaran perniagaan.

"Selain itu peguam pada abad ke-21 juga perlu mempunyai Kemahiran Kerjasama, EQ dan Empati, Kemahiran Ketahanan, Ketangkasan, kemampuan untuk beradaptasi, silang budaya dan "Pemikiran Global" serta Keupayaan untuk mensintesis.

"Kualiti tersebut memperluaskan tanggapan tradisional mengenai ciri-ciri yang diperlukan untuk menjadi seorang peguam berjaya yang digambarkan sebagai seorang yang mempunyai pengetahuan mendalam dalam bidang undang-undang," katanya.

Turut hadir pada syarahan itu, Hakim Mahkamah Tinggi Alor Setar, Yang Arif Dato' Haji Ghazali Cha; Penasihat Undang-Undang Negeri Kedah, Yang Berhormat Tuan Ahmad Terrirudin Mohd Salleh; Timbalan Naib Canselor (Hal Ehwal Pelajar & Alumni), Prof. Madya Dr. Hendrik Lamsali; Dekan SoL, Dr. Rohana Abdul Rahman dan para pensyarah serta mahasiswa undang-undang UUM.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.